



Sr. Edmond Croes  
Santa Cruz 110  
Santa Cruz, Aruba  
Mensahe via e-mail: [edmondcroes@gmail.com](mailto:edmondcroes@gmail.com)

Oranjestad, 24 di september 2009  
CBB 60-09/LE/Im

Asunto: kehonan entrega pa sr. E. Croes

Apreciable señor Croes,

Comision Bon Boluntad (CBB) pa medio di esaki ta desea di duna seguimiento na e kehonan cu sr. Croes a entrega cerca CBB recientemente. E keho tocante CBB mes ya caba a keda contesta separadamente (carta CBB\_57-09). Encuanto e otro kehonan CBB ta comenta lo siguiente.

- Keho tocante partimento di material di propaganda di un politico riba caminda publico: varios vez caba CBB a vocifera su desacuerdo cu strobamento di trafico y di e ciudadano cu no ta interesa den e propaganda partidario, ora cu diferente partido ta haya ta bon pa tuma caya como nan propiedad, sin un permiso corespondiente pa haci esaki. Den e caso particular cu sr. Croes ta ilustra por lo tanto esey tampoco ta carga aprobacion di CBB.
- Keho tocante supuesto car rallye di partido AVP: CBB ta yega na conclusion cu partido AVP no a organisa un "car rallye", en todo caso no un tipo di actividad pa cual mester un permiso pa uso di caminda publico pa esaki.
- Keho tocante bandera di AVP riba brug riba caminda grandi na Pos Chiquito: CBB mas di un biaha caba a denuncia ponemento di material di propaganda politico riba tereno y propiedad publico. Den e caso aki tambe esaki no ta carga aprobacion di CBB.
- Keho riba spot na television di partido AVP unda ta critica sr. Croes como propietario di e shelter pa drogadicto na Oranjestad: CBB ta di opinion cu no ta na su lugar cu e partido concerni a haci e declaracion aki, si no tin prueba palpable di esaki.
- Keho tocante brassband di partido PDR riba rotonde di Paradera: mescos den otro caso menciona ariba, den e caso aki tampoco CBB ta di acuerdo cu caminda publico ta keda invadi pa actividad di propaganda politico, sin permiso, strobando trafico, especialmente pa e ciudadano cu no ta desea di keda confronta cu politica.



- Keho tocante sticker pega riba auto sin permiso: esaki tambe ta consecuencia di e hecho cu partidonan politico ta apodera di caminda publico pa haci propaganda, sin permiso y strobando trafico. Esaki tampoco ta conta cu aprobacion di CBB.

CBB ta spera cu di e manera aki sr. Croes a haya un contesta satisfactorio riba e puntonan cu sr. Croes a trese dilanti. CBB por añadi na esaki cu den su publicacionnan lo bay presta atencion na e kehonan cu CBB a haya te awor, incluyendo e puntonan cu a ser trata aki.

Atentamente,  
Na number di Comision Bon Boluntad



Lydia Emerencia  
Presidente